



## **RESOLUCIÓN POLA QUE SE RESOLVE A COBERTURA DAS PRAZAS VACANTES DE BOLSEIROS, AO AMPARO DA RESOLUCIÓN DO 20 DE MAIO DE 2024 POLA QUE SE CONVOCAN AS BOLSAS DE FORMACIÓN PARA O ANO 2024.**

### **Antecedentes**

1. O día 9 de agosto de 2022 publicouse no *Diario Oficial de Galicia* (en diante, DOG) a Resolución do 21 de xullo de 2022 pola que se establecen as bases reguladoras das bolsas de formación e se procede á súa convocatoria para o ano 2022.
2. O día 3 de xuño de 2024 publicouse no DOG a Resolución do 20 de maio de 2024 pola que se convocan as bolsas de formación para o ano 2024 (código de procedemento VI440D).
3. Consonte ao punto segundo do ordinal primeiro da devandita resolución, convocáronse trece bolsas de formación: cinco bolsas para persoas con grao en arquitectura ou con grao en estudos de Arquitectura con máster habilitante; unha bolsa para persoas con grao de Arquitectura Técnica; seis bolsas para persoas con grao en Dereito e unha bolsa para persoas con grao en Economía.
4. En atención ás solicitudes presentadas, non hai solicitudes suficientes para conceder as bolsas para persoas con grao en Arquitectura Técnica nin para a de persoas con grao en Economía.

### **Fundamentos de dereito**

1. O punto cinco do ordinal décimo sétimo da Resolución do 21 de xullo de 2022 establece que: "*se non houberse solicitantes nalgunha titulación haberá que aterse ao disposto na convocatoria para os efectos de poder cubrir as vacantes con solicitantes*





*doutra titulación”.*

2. O punto quinto do ordinal décimo cuarto da Resolución de 20 de maio de 2024 dispón que: *“Se non houbera solicitantes nalgunha das bolsas poderán cubrirse as vacantes con solicitantes doutra bolsa por resolución motivada do director xeral do IGVS”.*

3. No orzamento do IGVS existe crédito para a cobertura das trece bolsas na aplicación 06 81 451A 480.1 e 06 81 451A 484.0 para a anualidade 2024 e 2025.

Polo anterior, **RESOLVO**

A cobertura das prazas vacantes na convocatoria realizada na Resolución de 20 de maio coas solicitudes excedentes das outras titulacións convocadas.

Santiago de Compostela, na data da sinatura dixital deste documento.

O director xeral do IGVS

Heriberto García Porto

